

AMIANTOAREKIN ERLAZIOA DUTEN ESKAERAK ERANTZUTEAREN INGURUKO KONTROL MOZIOA

Olaia Duarte Lopez EH BILDU udal taldeko zinegotziak, Udalbatzaren Organo Araudiko 98. artikulua oinarri, mozio hau aurkezten du Udalbatzan azter dadin. Mozioa 2016ko otsailaren 13an Lurralde Garapen eta Planifikazio Batzordean aztertutako interpelazioaren ondorioa da.

JUSTIFIKAZIOA

Aurreko legealdian, amiantoaren arazoari buruzko bide bat lantzen hasi zen Udala, eta beharrezkotzat jo zuen amiantoa agertzen denean Udalak nola jarduten duen eta zer protokolo dituen aztertzea eta berrikustea. Orobat, ezinbestekotzat jo zen, departamentuen eta beste batzuen artean, gure hirian amiantoa duten eraikinen edo higiezinaren mapa edo errolda bat egitea; horretarako, hori prestatzeko aurretiazko lanak egiten hasi ziren.

Bide honi jarraituz, 2016ko apirilko udalbatzarrean aho batez onartua izan zen Kontrol Mozio bat aurkeztu genuen, ondorengoa eskatuz:

- Gure hirian amiantoa duten eraikin edo higiezinaren errolda edo mapa bat egitea.
- Amiantoaren eraginpean egoteak osasunerako izan ditzakeen arriskuen edo eraginaren inguruan informatzeko eta prestatzeko amiantoa duten eraikinetan edo instalazioetan jardun behar duten udal langileak.
- Udal eraikin edo lursailetan dagoen amiantoa deuseztatzeko eta kentzeko programa bat prestatzea, lehentasuna emanda egoerarik okerreanean daudenei edo bizitza erabilgarria amaitua dutela ezagun dutenei.
- Herritarrak amiantoa deuseztatzearen eta jarraibideak betetzearen komenigarritasunaz sentsibilizatzea.

Hain zuzen ere, laugarren puntuan aipatzen den herritarren sentsibilizazioari dagokionez, oso garrantzitsua da ASVIAMIE elkarteak egiten duen lana. Esate baterako, uztailaren 6an Bera Bera pasealekuko 88. zenbakian bizi den emakume batek EH Bildu udal taldeari deitu zion, ASVIAMIE elkartekoek Udalarekin harremanetan jartzea gomendatu ziotelako.

Herritar honek adierazi zigunaren arabera, bere eraikinean amiantozko tximinia dago eta hainbat bizilagunek tximinian eragina izan duten obrak egin dituzte. Aipatu zigunaren arabera, Hirigintza Departamentuari, hainbatetan, kezka luzatu diote, baina ez zuen erantzunik jaso.

2016ko uztailean, dei hau jaso eta gero, Hirigintzako zinegotzi ordezkariarekin zuzenean hitz egitea erabaki genuen. Hark adierazi zigun gaiaz arduratuko zela eta aipatutako

bizilagunarekin harremanetan jarriko zela. Baina, abuztuaren 22an emakume honen deia jaso genuen berriro ere. Bigarren aldiz bere kezka adierazi zigun Udalen aldetik oraindik ez zuelako deirik jaso. Hau ikusita, geure harridura adierazi genion eta zinegotzi ordezkariari eskatu genion, bigarren aldiz, emakumearekin harremanetan jartzeko.

Irailen egoera bere horretan mantentzen zenez, interpelazio bat aurkeztu genuen dagokion udal batzordean. Zinegotzi-ordezkariak barkamena eskatu zuen gaiari lehentasuna ez emateagatik eta aipatu zuen irailaren 16an teknikari bat bidali zuela etxea aztertuzera. Teknikariak ondorioztatu zuen obra lizentziarik gabe egin zela 2008an eta amiantoeko tximinian eragina zuela.

2017ko urtarrilean etxeko jabeak larritasunez deitu du berriro ere. Emakumeak dio irailen teknikariak egindako bisita eta gero, ez duela erantzunik jaso Udalaren aldetik eta ez dakiela zer egin. Zaila da erantzun falta hau ulertzea, batez ere, urtarrilaren 26ko udalbatzarrean aho batez onartu zen alderdi popularrak aurkeztutako kontrol-mozioa ikusita: herritarrak artatzeko zerbitzua etengabe hobetu behar zela adierazten zuena.

Otsailaren 13ko udal batzordean delegatuak adierazi zuen hirigintza departamendutik ezin dutela ezer egin emakumearen eskaeraren aurrean eta gaia ingurumeneko sailera pasako zuela.

Ezin dugu ulertu nolatan sei hilabete behar izan diren gaia aztertzeko, gure aldetik delegatuari behin eta berriz errepikatu eta gero, eta zergatik ez zaion emakumeari inongo azalpenik eman. Batez ere, amiantoaren erabilerak eta manipulazioak pertsonen osasunean eragiten duen kalte larria kontuan izanik.

Azaldutako egoera kontuan hartuta, behean sinatzen duen zinegotziak honako **MOZIO** hau aurkezten du:

1. Udalbatzak eskatzen dio Udal Gobernuari herritarrek amiantoarekin erlazioa duten eskaerak egiten dituztenean era eraginkor batean eta epe laburrean erantzun ditzala.
2. Udalbatzak eskatzen dio Udal Gobernuari emakume honen eskaera ingurumen sailetik bideratzen bada, berarekin harremanetan jartzeko dagozkion azalpenak eta erantzuna emateko.

Donostian, 2017ko otsailaren 17an



EH Bildu talde politikoa
Grupo político EH Bildu

Ijentea, 1 - Tel. 943481027 - www.donostia.eus -
20003 Donostia

Olaia Duarte López
EH Bildu udal taldeko zinegotzia